

Na osnovu člana 13. stav 2. alineja 4. Zakona o principima lokalne samouprave u Federaciji BiH («Službene novine Federacije BiH», br. 49/06), člana 3. Zakona o komunalnim taksama («Službene novine Srednjobosanskog kantona», br. 2/12, 5/14 i 2/18), člana 38. tačka 2. i člana 110 stav 1. Statuta općine Gornji Vakuf – Uskoplje («Službeni glasnik Općine Gornji Vakuf – Uskoplje», br. 1/01 i 3/05) i člana 89. Poslovnika o radu Općinskog vijeća Gornji Vakuf – Uskoplje («Službeni glasnik Općine Gornji Vakuf – Uskoplje» br. 7/13), Općinsko vijeće Gornji Vakuf – Uskoplje na svojoj 17. redovnoj sjednici održanoj 14.02.2018. godine, donijelo je,

O D L U K U

O utvrđivanju tarife komunalnih taksi

I OPĆE ODREDBE

Član 1. (Predmet)

Ovom Odlukom (U daljem tekstu: Odluka) utvrđuje se tarifa komunalnih taksi, po predmetima i uslugama za čije se korištenje plaća komunalna taksa prema odredbama Zakona o komunalnim taksama («Službene novine KSB», broj 2/12, 5/14 i 2/18) na području Općine Gornji Vakuf-Uskoplje.

Član 2. (Kriteriji za utvrđivanja pristojbe za istaknutu firmu)

(1) Za svaku istaknutu firmu na poslovnim i drugim prostorijama, objektima i mjestima, kojim se označava da određena pravna ili fizička osoba obavlja izvjesnu djelatnost ili zanimanje, utvrđuje se godišnja taksa.

(2) Visina takse iz prethodnog stava utvrđuje se prema veličini natpisa istaknute firme i zone u kojoj se nalazi poslovna ili druga prostorija, objekt i mjesto na kojem je istaknuta firma.

Član 3. (Zone)

Zone po ulicama i naseljima za postupanje po ovoj odluci su:

- a) I ZONA: odnosi se na poslovne i druge prostore i objekte koji imaju izlaz ili se okrenuti prema magistralnom putu M 16.2. u naselju Trnovača i Podgrađe, isto tako u naseljenom mjestu Gornji Vakuf-Uskoplje - ulice Vrbaska, Gradska, Matije Gupca, Kralja Tomislava, Fra Anđela Zvizdovića, Fra Grge Martića, Vladimira Nazora, Bistrička cesta, Branka Mikulića, Park, Preporodova, Hadžijusovića sokak, 25.novembar, Barica, Šehitluci, Potok II, Zeleni put, Uševice i Batuški lug (sa komplet industrijskom zonom);
- b) II ZONA: obuhvata poslovne i druge prostore i objekte koji imaju izlaz ili su okrenuti prema magistralnom putu M 16.2. u naseljima Humac, Dražev Dolac, Pajić Polje, Duratbegović Dolac, Ploča, Pidriš, u naselju Gornji Vakuf-Uskoplje sve preostale ulice koje nisu obuhvaćene opisom u tački a) i naselje Voljevac;
- c) III ZONA: obuhvata naselja Jagnjig, Gaj, Donja Ričica, Hrasnica, Vilić Polje, Bistrica, Krupa, Vrse, Ždrimci, Batuša, Dobrošin, Boljkovac i preostali dijelovi naselja Trnovača, Podgrađe, Humac, Dražev Dolac, Pajić Polje, Duratbegović Dolac i Ploča
- d) IV ZONA: obuhvata naselja Bojska, Grnica, Lužani, Rosulje, Gornja Ričica, Osridak, Kute, Voljice, Vaganjac, preostali dio naselja Pidriš koji nije obuhvaćen opisom pod b), Uzričje, Paloč,

Duša, Mračaj, Pridvorci, Zastinje, Borova Ravan, Seferovići, Valice, Svilići, Crkvice, Jelići, Kozice i sva druga nespomenuta naselja općine Gornji Vakuf-Uskoplje.

II TARIFA KOMUNALNIH PRISTOJBII

Član 4.

Tarifni broj 1.

(1) Za svaku istaknutu firmu na poslovnim i ostalim prostorijama, objektima i mjestima kojima se označava da određena pravna ili fizička osoba obavlja izvjesnu djelatnost ili zanimanje, plaća se godišnja taksa po određenim djelatnostima i zonama kako slijedi:

ZONA	Veličina istaknutog natpisa	Iznos u KM
I	a) do 1 m ²	200,00
	b) do 2 m ²	300,00
	c) preko 2 m ²	400,00
II	a) do 1 m ²	150,00
	b) do 2 m ²	250,00
	c) preko 2 m ²	350,00
III	a) do 1 m ²	100,00
	b) do 2 m ²	150,00
	c) preko 2 m ²	200,00
IV	a) do 1 m ²	50,00
	b) do 2 m ²	75,00
	c) preko 2 m ²	100,00

(2) Taksa za istaknutu firmu razrezuje se i plaća u godišnjem iznosu za istaknutu firmu zatečenu na dan 01. januar godine za koju se vrši razrez. Ako se firma ističe u drugom polugodištu, taksa se razrezuje i plaća u iznosu od 50% od propisane.

(3) Ako se poslovni objekt ili prostor nalazi na granici poslovnih zona, taksa na istaknutu firmu plaća se prema zoni kojoj pripada ulica na kojoj je istaknuta firma, odnosno prema zoni na kojoj je poslovni objekt više orijentiran.

(4) Za samostalnu kovačku djelatnost, taxi djelatnost i obrte koji su po rješenju nadležnog organa registrirani kao stari tradicionalni zanati, a koji porez na dohodak plaćaju u paušalnom iznosu komunalna taksa se umanjuje za 50%.

Tarifni broj 2.

(1) Za držanje sredstava za igru u ugostiteljskim i ostalim objektima kojima priređivanje zabavnih igara nije temeljna djelatnost plaća se godišnje, po jednom komadu, odnosno predmetu, taksa: na bilijar, flipere, videoigre, pikado i sl. u iznosu od.....300,00 KM

(2) Ako se sredstva za igru počnu koristiti u drugom polugodištu, propisana taksa umanjuje se za 50%.

Tarifni broj 3.

Za držanje muzike uživo u ugostiteljskom objektu plaća se taksa, dnevno, u iznosu od...50,00 KM.

Tarifni broj 4.

Za zauzimanje pločnika i ostalih površina ispred poslovnih prostorija plaća se:

1. za postavljanje stolova ispred ugostiteljskih objekata, slastičarnica i ostalih objekata radi pružanja ugostiteljskih usluga, plaća se, mjesečna taksa u iznosu od 0,20 KM/ m² zauzete javne površine.
2. za postavljanje stolova, pultova, tezgi –stolova i ostalog za prodaju knjiga, razglednica, bižuterije i ostalih proizvoda, plaća se mjesečna taksa u iznosu od 0,20 KM/ m² zauzete javne površine.

Tarifni broj 5.

(1) Za isticanje plakata i panoa na javna mjesta određena za te namjene, plaća se jednokratna taksa:

- za seriju do 100 komada, u iznosu od.....50,00 KM
- za seriju preko 100 komada u iznosu od...100,00 KM

(2) Za postavljanje stalnih panoa i displeja na javna mjesta određena za tu namjenu, plaća se jednokratna taksa u iznosu od10,00 KM/m²

III PLAĆANJE PRISTOJBE

Član 5.

(Plaćanje pristojbe)

Za utvrđivanje obveze plaćanja komunalne takse, razreza i načina plaćanje zadužuje se Porezna uprava Federacije BiH, Ispostava Gornji Vakuf-Uskoplje shodno odredbama Zakona o komunalnim taksama («Službene novine KSB», broj 2/12, 5/14 i 2/18).

Član 6.

(Subjekti oslobođeni od plaćanja takse)

Od plaćanja takse oslobođeni su:

- a) država Bosna i Hercegovina, Federacija Bosne i Hercegovine, Kantona, te jedinice lokalne samouprave s područja Kantona i njihovi organi;

- b) ustanove iz oblasti predškolskog obrazovanja, obrazovanja, nauke, kulture, zaštite kulturne i historijske baštine, sporta, zdravstva, veterinarstva i socijalne zaštite koje osniva Federacija BiH, Kanton odnosno općina, te humanitarne i dobrotvorne organizacije;
- c) udruge ratnih vojnih invalida, udruge porodica poginulih boraca, udruge demobiliziranih branitelja, udruge dobitnika najvećih ratnih priznanja Armije Republike Bosne i Hercegovine i Hrvatskog vijeća odbrane, te organizacije civilnih žrtava rata;
- d) udruga koja ne obavlja gospodarsku djelatnost;
- e) pravna i fizička osoba koja prvi put pokreće gospodarsku ili uslužnu djelatnost za prvu godinu obavljanja djelatnosti;
- f) samostalni poljoprivrednik, stočar i pčelar;
- g) notar.

IV ZAVRŠNE ODREDBE

Član 7.

Prestanak važenja ranije odluke)

Stupanjem na snagu ove Odluke prestaje da važi Odluka o utvrđivanju visine tarife komunalnih такси («Službeni glasnik Općine Gornji Vakuf-Uskoplje», broj 1/15).

Član 8.

(Stupanje na snagu)

Ova Odluka stupa na snagu osmog dana od dana objavljivanja u « Službenom glasniku Općine Gornji Vakuf – Uskoplje».

Broj:01-14-___/19
Gornji Vakuf – Uskoplje
14.02.2019.godine

PREDSJEDNIK
OPĆINSKOG VIJEĆA
Goran Batinić, mag.nov.

O b r a z l o ž e n j e

Pravni temelj za donošenje ove Odluke propisan odredbama članka 3. Zakona o komunalnim pristojbama („ Službene novine KSB“, broj: 2/12, 5/14 i 2/18), kojim je propisano da se visina pristojbe, po predmetima i uslugama za čije se korištenje plaća pristojba, utvrđuje se odlukom Općinskog vijeća, s tim da visina pristojbe ne može biti viša od visine određene Tarifom komunalnih pristojbi, koja je sastavni dio Zakona.

Člankom 2. Zakona o izmjenama i dopunama Zakona o komunalnim pristojbama („ Službene novine KSB“, broj: 5/14 i 2/18) propisano je da visinu pristojbe za istaknutu firmu, općinsko vijeće utvrdit će prema zonama ili nekim drugim vlastitim kriterijima u skladu sa stavkom 1. članka 3. Zakona.

Razlog za donošenje ove Odluke je potreba usklađivanja donesene Odluke o utvrđivanju tarife komunalnih pristojbi («Službeni glasnik općine Gornji Vakuf-Uskoplje», br.1/15) sa Zakonom o izmjenama i dopunama Zakona o komunalnim pristojbama («Služben novine KSB», broj, 5/14 i 2/18) a sve u cilju da razrezi koje bude donosila Ispostava Porezne uprave F BiH u Gornjem Vakufu-Uskoplje ne bi padali u žalbenim postupcima, odnosno da bi se postupak i razreza i naplate komunalnih pristojbi doveo u zakonite okvire.

Za primjenu ove Odluke nije potrebno osigurati nikakva proračunska sredstva.